


THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 20 1955

鄭
詩
稿



冷吟仙館詩稿卷第七

冷吟集三

陽湖左錫嘉冰如

煦兒迎養定襄臨行誌別

松楸鳴悲風皓首空追慕涓涓潔樽俎哀哀別塋墓世
澤思構堂馨香達微素靈明鑒在茲零淚極瞻顧孤兒
承父廕捧檄雲中路有懷將母篇迎養勞心注三從守
古則慼慼胡忍去

上堂視伯叔未敢道遠別佯言未有期聲淚暗嗚咽顏
貌日以頽鬚鬢皎白雪年荒頻歎收衣食況殘缺何以

解隱憂寸衷懷百折

予非好遠游貧無立錫地積債苦莫償田宅咸如寄食
指二百餘兼顧大非易垂老去鄉井離思紛如薺諸女
牽衣嗁猶子各揮涕我淚不自持我心何能寘欲別無
所遺戒言勿我棄

知交結蘭蕙離居未盡歡患難心不移相期同歲寒一
旦遠云別執手懷辛酸會面安可期迢遞阻重巒願言
日努力促促戒便安念茲結中腸涕泗流潺湲莫吝別
後書飛鴻多羽翰

途中卽目

冉冉征途遠鳴渠流水長蜀山開紫翠隴樹閒青黃寺
古松風冷墓寒花雨香碑文封積蘚千古意蒼涼

紫柏山謁留侯廟

攀援歷山谷拾級迫幽境仙踪層巖閒架壑結構整地
僻春來遲繁花綴危嶺石室寂無譁流泉噴露井古柏
盤虬螭錯磨危塔影中有賢達人威儀隨日永景運翊
金刀輝輝耀九鼎進揖紫芝侶退遂赤松請辟穀有名
山此鄉甘寂屏功名乃不居高蹈一何猛勞生愧行役

遺址空仰景卻笑覓還丹羽流愚未省

枯樹歎

黃沙茫茫若華匿枯樹無皮當道立拏雲捉月奮爪牙
四起悲風鬼神泣飽經霜雪不記年夕陽古埃同巍然
濃陰密葉曾蔭暘意以屈曲全其天君不見丁戊之間
旱爲虐兩年不雨日燠灼析骸易子嗟此邦豈惜樹身
遭剝落我行撫樹興長嗟蛻餘蒼骨寒杈枒爲問河東
千里道凶年饑饉餘幾家頽垣敗壁隱蓬戶鳴鳴彷彿
聞人語痾瘦老翁兀向前欲訴未申淚如雨自言身本

故家子頗有田園傍汾水火雲熾野草木枯鄰里親
皆餓死昔年豪興游江湖歸葬骨肉還故都所親無存
家爲墟孑然一身何所圖愁容慘淡兼衰病枯樹剝膚
感同命少時裴葛老無衣羞向人前道名姓哀絃未終
天欲暮行色匆匆戒前路長揖老翁申慰辭人力難回
信有數前村野店懸孤燈當爲老翁枯樹留長句

煦兒迎抵定署賦此誌勉

孤兒謁承明五載違故鄉一朝荷

恩綸奉檄古定襄養親遂初志報我江上堂宛轡去故

林不辭道阻長草木正芳菲川陸含清光今夕竟聚首
悲歡熱中腸依戀一如昔步趨漸有章願汝守箴戒令
猷懷甘棠

畫梅

預遞花消息丰神筆底傳夢雲吹邃譜香雪放鐙天濃
淡分先後橫斜出自然冰綃三十六寫寄石湖仙

代書寄蜀

寒夜獨不寐蟹唳金井闌遙念諸伯叔捫心殊未安步
履雖云健鬚鬢皆班班季子體尤弱病足行蹒跚井竈

各分析居室苦不寬歲稔聊可支歲荒恆饑寒禮經重
養老非肉難加餐有子不克讀有女練笥單相隔數千
里相憶懷悲酸吾兒雖成立薄俸初一官累負況紛如
事畜亦大難伐檀志庭訓祿慳非分干應時強持贈力
薄心空殫願天鑿苦衷松柏同堅完他年猶子歸諸父
長承歡

寒夜

朔方早飛雪城郭迴荒涼疏柝凍沈響短檠塞斂光天
高懸淡月風急壓清霜素被不知煖悽悽愁夜長

禧兒授邵武府經歷將之官作此勉之

男兒志四方安能久暇逸行踪計南閩道遠心先恍薄
職念所司慎勿羞末秩處世抱忠信臨事戒回適齊家
重綱常出入謹織悉白華無點辱慰我期以實子道懷
厥脩千里同一室戒言莫我忘見爾知何日相送語依
依別緒紛如櫛尺書勤往還舊德勉紹述

壬午送岷兒入都秋試兼訪四姊婉香

山色看無盡迢遙望

帝鄉野花閒繡石溪水綠分秧鞍馬不辭遠客心愁夕

陽廿年重訪舊時事感滄桑

滄津臨峻坂歎暑動行轡山迴車聲澁日高笠影圓荒
村稀過客古樹獨鳴蟬骨肉同衰老悽吟河廣篇

龍泉山謠

百歲翁

百歲翁行如風髯蒼蒼顏如童叩方術笑鞠躬平生安
所適不識窮與通

東鄰女

十五東鄰女十六商人婦上堂拜舅姑下堂任井臼欲

別牽郎衣語澁羞出口三歲期不歸

晉人賈於外每約三年歸竟有終身

不歸者妾終爲君守

題趙子昂八駿圖

奔霄越影齊收羅斷縑丈二寒生波云是天水王孫筆
 氣軼漢家天馬歌一馬昂嘶迴前列一馬斑斑漬汗血
 二三馳騁當長風龍顛豹股貌不同項鉤俯垂齧細草
 卷毛如蠶飄蓬葆鐵蹠仰天浴軟沙風髮纒纒翻桃花
 踴躍驕騰奮暝怒朝秣夕刷無邇遐房精瑞應東方震
 神工遺貌出神駿三羸五駑不足數伯樂九方知一瞬

當時天子重巡行高騫八駿天下平一日奔騰三萬里
金羈玉勒今如生鷗波館中染毫素道昇六法同高步
寫真想見曹韓圖題畫慚無蘇杜句

季秋出都別後寄懷

揮手匆匆別萍蹤總莫論
戎裘催曉色雁影寫秋痕
蓬顙轉千里荻花封一村
長安回首處佳氣鬱金門

怕讀鵲鴿詩浮生常別離
翦燈懷舊雨撫樹念連枝
去黃榆塞依依謝草池
愁多轉無淚惆悵鬢成絲

野店不成寐殘膏土銼昏
夢回愁更續情切語難溫
未

了詩書願空懷骨月恩東西飛莫記鴻爪儘留痕

葭菼迷秋水悠悠客路長四山圍野色孤堠背斜陽鹿

脯應恆寄鱸羹待更嘗何時重握手翦燭話江鄉

西園山道中雜詩

落葉動風色輿夫報入山路遙秋嶂合天曠暮雲閒細

葦深依閘垂楊半掩關一鞭遙指點茅店翠微閒

去去遠城市山家野趣呈短衣稱健婦村婦皆短衣長袖笑

書生村婦指兒輩問曰長袖者皆汝讀書兒郎耶瓜豆隨時熟衡茆率意成

此鄉真太古小住覺怡情

客夢惺忪裏心懷隔宿程出門燈尚在問渡日初生溪
女靜臨浣老翁閒課耕塵勞應笑我僕僕賦宵征

輕裝無一物車馬識清貧千里有歸騎四山空向人鴉
唳爭驛樹犬吠識居鄰杏葉紅如洗還疑二月春

夾路石如削凌空山插翹松陰延仄徑澗底露危橋人

馬一繩直牛羊千仞驕

牛羊皆
牧峻嶺

此生經閱歷險阻不辭

遙

山坳隱茅店藤葛綠紛紜甕牖擬圓月蘆簾披野雲酒
樽聯社約燈火隔鄰分爨婦頭如雪途長慰問殷

得得任鞍馬宛延一徑通風淒蘆沼白霜飽柿林紅入
谷山行僻支梁穴處工幸哉秋有穫秉穗積牛宮
山翠偪無路楓林露半村樹根權作几葦箔便遮門柿
酒拚錢醉榆羹乞火温揮毫記風土留驗爪泥痕

過龍泉關

壁燈熒熒天未曙僕夫促馬山村樹亂峰攢攢青接天
懸流千尋飛瀑布石梯險峭級不分健馬力爭下蹠處
長歌行路關山難蟻緣九回雲崖閒星精搖搖仰可攀
積雪耀日秋風寒馬蹠碎口人力竭一關橫界長天碧

我思開山煩五丁鑿穿石穴通青冥又欲移山效愚公
眼前障礙一掃空吁嗟乎所欲安可不若卸肩且休
息

返定署

積雪曉濛冥長隄響馬鈴征途資考古

林甥同行能舉山川原委強

學喜研經

岷兒道遇險阻仍執經呶唔

客路催人老秋山爲我青晉

昌何處是遙指隔沙汀

天地浩無私村民感惠慈

煦兒出迎於郊父老聚觀且交頌之山頭雲脈

脈草腳雨絲絲老馬識歸路奚奴通小詩喜逢花滿座

時秋菊
方盛

庭竹長孫枝

適得
女孫

送林甥需次太原

日午定風色積雪皚林邱馬鳴何蕭蕭之子促宦游倦

倦不忍別憾憾中情紬丈夫志四方所親安敢留相依

十四載寄託忘我憂念爾失怙恃撫慰愧未周立身抱

忠信耿介誰與儔悲風摧瑯枝愀然失唱酬

三女性最
温良傷哉

不潘岳重恩義遺挂恆悽愁子能識之無女解職膳饑

內顧且勿慮善為蒼生謀令德繼先哲有守思有猷努

力惜春華去去乘畫軸吾衰能幾時霜鬢颯素秋暇時

當來歸望遠心悠悠

望二女懿兒暨女壻袁學昌書不至

寒檠粲紅蘄音書諒無梗高秋天宇涼星漢光耿耿披襟坐達旦霜逼簾衣冷人生有別離骨肉異鄉井嗟嗟荒雞唳塵夢誰獨醒

哭婉雲七妹

鬱鬱連枝樹秋風忽吹折回憶垂髫初京國牽衣別未余隨宦江西相望思悠悠骨肉各異域十二習禮儀十妹尚髫齡

三諳紡績十四工點染十五善琴瑟阿母最鍾愛相攸

求里戚令門故相當差池竟未及沈郎郁文采皎若雲

中月投以金翠翹報以瓊瑤玦脈脈結情義戚戚商音

發二豎忽為災誰為補天缺妹許字沈君仲復之子庚

沈氏長跪白阿母未語淚迸血生當守空幃死當葬同

穴大義難為辭湘竹留勁節阿弟不敢阻素車行決絕

天地慘不暘悲風為嗚咽上堂拜舅姑下堂甘冰菓孤

燈恆青熒獨雁唳迴雪玉碎雲不流鏡缺蠲芳澤淒涼

十四載熒熒餘病骨魂兮或有約生天赴佳節妹逝於

恤緯獨全操清芬照吳越南望空嘆嗟淚落雨珠綴中秋

冰花

春風難着力生意自微茫
枝葉鏗寒玉胚胎蘊絳霜
水清花骨峭雲沍蕊珠涼
色相還空相盈盈逗曉光

和蕭太夫人宗婉生寄懷原韻

半世嗟生拙詩書獨慨余
歲華驚過鳥尺素詠烹魚
葭

管灰飛候

長至後一日奉書

樗櫟月上初草堂懷舊隱榆塞感

新居呵霧開鸞鏡侵霜卻象梳
惠頌青鏤瑄句綴白英
琚夢想清標迴心傾俗慮除
烏絲闌錦繡螺黛勝璠璣

蒙惠詩函筆墨牋筒

投李慚瓊報吟梅和雪咀晉陽
知己戀蜀國

故人疏川中趙佩芸悟契結塵氛外芬流浣誦餘中興

懷左陸昭晰憶王徐詞筆健于我母儀賢仰渠何時親

玉咳積慄浩然舒

望林甥未歸

報書期月還如何復中止駱馬趨梁榆駢駢千里徹

裘風雪中登山復臨水念爾行路難鞅繼殊未已歲晏

胡不歸昨夜燈花紫

述夢

蓬飄歎身世聚散恆難量魂夢不辭遠熒熒還故鄉慚

崖歛已度不知巫峽長宛然芙蓉城背郭煙蒼茫花柳
隱臺榭藤葛延籬牆鷗羣舍南北菡萏盈方塘徘徊披
綠陰意愜神洋洋老僕喜見予蹠躩奔告忙姊姊出門
迎猶子爭扶將殷勤道契闊問訊來殊方入我冷吟閣
登我舊講堂長女前致辭零淚沾衣裳少女益殷眷依
依復惶惶撫慰意未申嗚咽言難詳諸孫繞衣裾婢媪
羅酒漿鄰里各相訪車馬盈道傍遠行千里歸此樂甯
尋常棲埒雞三號斷夢遺方牀木落風蕭颯燈火熒寒
芒人生信夢幻哀樂誰兩忘離合百感併起坐神沮傷

望林甥書不至

從公日已邁淹留人未歸
雨餘菜甲長風際榆錢飛
節候變春服行役思客衣
尺書胡不至塞雁北來稀

述懷

清貧安所適率性抱貞素
地僻斂繁靡治理循軌度
泛覽窮世情淡泊消俗慮
俯仰聊復吟好風入牖戶

望禧兒書不至

浮雲日悠悠山川閒南北
游子滯他鄉縣邈無消息
豈不戀衰親烏私耿胸臆
豈不念同懷寤寐想顏色
川塗

有修鱗雲路有征翼胡爲書不至令我心轉側

喜子晉姪運泰南來

嗟我骨肉星散如雨命運蹇乖淒風異處

三弟歿後三弟媳攜諸孤

由晉南旋南望江表亂離脩阻中懷眷念邈焉莫語悠悠我心纏絲絲縷

荏苒流離倏忽廿載雲山閒之江河縈帶不辭路紆快
此良會幸子已冠嗟余衰邁負劍依依今昔一愾戒言
厥脩弗爾懈怠承祖德否窮啟泰

夢訪趙悟蓮寄此代柬

泠山仙傳言卷一
三
慼慼鬱中懷相思縈寤寐意行無千里山川列如繪故
人居未遠忽已造門外剝啄容登堂房廊舊曾屐導我
入蘭室几案宛爾在握手兩依依悲喜集五內寒梅方
著花淡月雲鬢黷酌我邠箛酒酒波潑濃黛薦我青精
飯淡中識真味告我時世艱古道久蕪廢贈我白紈扇
報以蒼玉佩責我久契闊三載不一會斂容重致辭薄
宦如負債雁門風沙多荒磧少耕耒小子抱廉約邊氓
戀仁愛歸隱未遑計歲寒且當耐心願何時償相對惜
頽邁俛仰生唏噓朝曦粲晴靄飛鴻遺遠音推枕失情

話起坐寒羅幃寒森警虛籟

懷季碩五女

有女有女如寒萼珊珊清影腰肢弱含情挾思眉黛長
病骨嶙峋矯立鶴霜風寂寞紗窗寒南枝消息巡檐索
索笑枝頭爲寫生郎君風格稱雙清浣花谿上林塘好
念我應知憶汝情

答李若昭夫人寄懷原韻

同是天涯感歲華宦游萍梗暫爲家輕拋舊隱還成憶
薄有虛名不足誇舊雨情殷詞當簡春風夢好筆生花

洛川仙傳言和 卷一
璇閨遙想人如玉團扇輕裁越女紗

久旱望雨

何以慰民望憂心日不遑火旻團積霽風色扇驕陽禾
稼偃平隴塵沙接大荒土龍壇早闢赤籙聽琅琅

甲申五月患喉感作

下不病我足上不病我頭何來鬼馘惡虐當咽喉含沙
射影弄伎倆鬱蒸厲氣相扇焮扼我要地意不測渺我
大德滋陰謀天池漱液不得下華蓋壅遏關隘愁豈能
聽汝恣盤踞賢路閉塞思有瘳欲借霹靂五雷火驅擊

魑魅無餘留欲乞楊枝一滴露肺塵十斛清甘投攻之
鍼砭慮破腦欲餌金石妨逗遛左右躊躇作中顛鑿者
首鼠盾刺矛力主和解誠時流吁嗟乎和解漸釋然眉
憂養癰貽患非良籌

哭繆小山夫人莊瑩如

盛衰當及時中斷豈云數悵怳縈襟懷寢興頓失度同
心感離居晉雲望燕樹念子含淑德四美無不具茂齒
方未晞噩耗疑傳悞悲風胡爲來開函驚遠訃夙好追
昔游零淚如雨注蒼蒼何忘情降祥竟無據生天太匆

海山仙館詩和卷一
一
匆愀然煎百慮舅姑揮老淚良人闕內助嬌女失所恃
哀哀向誰訴感此熱中腸歎逝空北顧神傷辭莫達終
古餘追慕

述事

亢旱煎百慮朱光日曖暝頽雲時作陰乾風搏塵塹父
老生唏噓山民廢耕耒二麥未登場秋穫安可賴願誦
土龍辭虔禱先齋戒步乞清冷泉朱陽當路曬七巖盤
游龍稽首汲寒瀨照兒請水於七巖山歸來拂星壇申籲至再再
大燾懸陰符飛龍繪旌旆手持雲篆書心香結沆瀣至

誠感神明密雲潑濃黛疾電掣金蛇怒雷走靈怪飛廉
傳號令甘雨油然沛禾稼轉生機襟懷一時快三農慶
有秋何以答神惠奔走弗遑息事定形勞悴溼熱內鬱

蒸客邪感積痲靈府盪清虛煩疴歛然退鄰境猥兼治

庶政敢少懈

時照兒兼
理靜樂

歸期秋月圓思渺重雲外愁霖

何濺濺十日九陰晦草木鬱葱龍牆壁時崩敗屋漏不
及補官舍守湫隘行者汨泥溢車徒苦狼狽高阜尚告
成平疇久滂湃苦樂那得齊顧盼生吁慨亢陽動有悔
否往恆占泰

久雨

白日久藏匿山川瘴氣羅殷雷崩夜壑積雨葬秋禾饑
燕遠飛怯延蝸行篆多藤蘿轉相媚裊裊附喬柯

庭寮人語寂簷溜獨潺潺潦水漲秋渡墨雲堆暮山關
心田稼澇失意砌花殷願卜天雞唱朝曦開霽顏

喜晴

庭坳深積水寮綺耀晨晞花鞞纒紅影雲空露翠微
鳩朝拂羽倦蝶晚烘衣天意憐禾稼陽光滿甸圻

久雨苦淫澇朱陽豁衆心菰蒲分水界苔蘚上牆陰蟾

于禱殘網蝟蝻發朗吟開軒當遠岫幽思愜鳴琴

婿
林尚辰校

男
光煦敬刊

冷吟仙館詩稿卷第八

冷吟集四

陽湖左錫嘉冰如

攜林仲蓉外孫女就醫并垣途次卽目

晨興懷征途朝晞霧新沐望遠心悠悠駝鈴聲斷續柳
陰籠驛路禾稼滿平陸秋實方登場牛羊集野牧因茲
念高阜極目傷蕭蕭山隴多荒蕪雨露豈私屬膏澤自
生滋天道惡暴酷

太原秋夜

倚壁燈如豆宵長夢未安并刀愁不解山月倦相看縛

繭傷身世飛鴻振羽翰鄉關何處是涼夜露漫漫

周石君太守 天麟 見過

宿歲識荊州匆匆悵去留 辛歲過省匆匆一晤未及深談 感時千古淚

先夫與石 君交好 話舊一燈秋義重交情見心清詞筆幽月明

動歸轄涼露滿庭浮

石君夫人蕭月樓世妹宿歲在都久欽閨範一朝

握手情若同懷因陳短句以申感慕

把袂逢今夕知交已卅年吟懷和月皎 著有琴神采信語詞鈔

天然慨我心情苦多君福慧全騷壇容附驥翰墨證前

緣

訪蕭太夫人宗婉生不遇

浩浩情天長知交感離散璇闈空仰止三歲懷殷眷詩
書徵夙緣脩阻生遐怨今茲客并門欣欣遂所願驅車
訪舊廬秋風閉庭院紫豆閒著花行跡滋香蔓踟躕立
路隅長袖垂絕縵鄰嫗步蹒跚短衣不至骭指話賢母
子前月發陽縣責我來何遲參商苦不見蕭然返寄旅
新月懸一線申函報故人北渡勞征雁春風期再親杖
履祝清健鬱鬱結中腸悵惘興咨歎

哭林仲蓉

最憐嬌小最關情
玉砌蘭芽看長成
何事聰明天獨忘
賦他靈慧斬長生

書燈繡譜尚依依
一縷芳魂何處歸
殘喘猶存還念我
彌留字字慰重幃

追思轉展淚如絲
病骨嶙峋苦不支
藥竟悞人人悞藥
悔教車馬費驅馳

雪風淒瑟促回車
埋玉無情慘不摠
佛果仙因渺難詰
痛揮老淚撿衣裾

北風行 爲林甥小敘復別感作

北風刮地飛塵沙客中作客何爲家
相迎相送復成別塵勞兩鬢增霜華
荒村獨夜數寒柝恐亦難免生咨嗟
嗟予暮齒感聚散兒曹志遠爭脂車

大兒遊宦福建海氛方熾音問不通

四兒從軍山海關外

人生識字憂患始東坡所慨良非差何如田

家有至樂春桑夏麥秋壺瓜在昔舅姑留吉語
道予晚景娛煙霞每自曠懷效明達無如別緒紛
如麻歸田有約定何日骨肉散處天一涯無聊且
聽穉子語堂北已種忘憂花

寄懷蕭月樓

鴻爪泥痕又一時
自悲兩鬢早成絲
感君念舊情如海
回首并門繫夢思

老去心情感慨多
種情入世奈情何
版輿薄俸家迢遞
歲歲關門送雁過

知音惜別感參商
只隔重城路已長
安得夜窗重翦燭
詞源詩律細評量

懷祥兒林甥

離心如日月
昕夕向空懸
宦轍關山迥
戎衣霜雪寒
思

親懷寸草

祥兒從軍北上

痛女菱芳蘭

林甥攜仲蓉柩返絳

何以慰遲暮

加餐且達觀

雪中卽景

萬籟寂無語璇花暮益稠空明連大漠虛白隱層樓訪
舊迴詩懼消寒檢酒籌早春懷故國梅訊到江頭

松蓋偃枯綠飛花綴玉毬鎮犀圍幙冷凍雀抱枝愁誰
掃袁安宅遙憐蘇季表小牕閒炙硯詩思轉深幽

畫梅口占

冰心鐵骨老煙霞蜀水吳山何處家鄉思如雲流不斷

雪窗隨意寫梅花

寒夜得蕭月樓與烏拉扎桐雲兩夫人書感賦小

詩藉以作答

北風撼窗紙塞向味寒寂離緒紛如芒兀坐但守默青
鳥不辭遠翩躚落雲翩故人情意長迢遞寄胸臆申函
蠟炬紅墨花浮黛色上言久別離下言長相憶知交感
參商良晤安可得念子夫婿貴古幹皎松柏念子太瘦
生辛勞職內則兩賢不我遺同心悅芳澤因知悱惻懷
名族等閥閱豈不雲路翔官高各異域人生懷至性離

惘料難釋願子時加餐珍重衛朝夕和鸞生春風景福
自天錫嗟我就薄養對案每忘食朔方多風沙傳舍復
偏側平生有姊弟宦轍異南北兒女雖成行出門雲水
隔天涯念骨肉音書常梗澁緜緲難忘情望遠心常惕
況復秋霜零芙蓉萎芳節林孫女仲蓉才德兼備自幼相依殤於秋杪觸目
懷感傷忍淚不成滴將老邁茲痾日促鬢絲白何以報
知已儀一心如結夜深硯冰凝過雁送風急紙短難具
陳月落曉天碧

寒夜懷祥兒

卷八
五
庭戶寂無語寒花茁短檠枕溫前夜夢月共異鄉明凍
柝沈疏響家書計遠程天涯有游子迢遞不勝情

乙酉元旦偶作

今夕是何夕華燈發滿枝屠酥宜後飲旛勝更相貽臘
鼓祈年樂郵筒寄遠詩春歸在何處斗柄已先知
兒曹還守歲我獨夢天涯鏡聽春風語燈聯隔歲花祝
釐懷骨月撫景惜年華西望三千里江梅水閣遐

首夏由定襄赴絳州卽景寄兒媳輩

出郭延清矚飛雲戀故岑有懷憐小別觸景動微吟風

起麥差浪日中松斂陰今宵何處宿村落度疏林

送林外孫女孟乙姊弟至絳州途中作

荏苒迫桑榆馳驅不遑息晨裝促塵鞅夕宿投荒驛自
憐情所縛展轉留鴻跡風萍倏離合眷顧邈難釋念茲
百慮交時序感遷易胡不效明達保生守元默

并門訪宗婉生

頻年空仰止惻悵隔重城鳳紙相思字魚軒信宿情感
君如夙契愧我負虛名同調憐知己蕭蕭白髮并

靈石至洪洞道中書所見

海山會言和卷八
巾車行處雨霏霏
澗水迂迴護石磯
託鉢野僧依古刹
一聲清磬曉雲飛

風翻麥浪卷平畦
雲樹蒼茫汾水西
笠影初圓人意倦
半山村落午雞啼

行穿霍太望河東
斷岸危崖曲曲通
夕照亂山最高處
孤松倒偃寺門紅

亂蓬稠疊鬱崔嵬
衮衮飛塵撥不開
石竇是誰穿鑿破
故教車騎費遲回

野水山村入畫宜
郊原春盡柳垂絲
板橋私語問流水

驢背人多可解詩

看山收得畫中詩無那山靈笑我癡老樹心空渾不死
獨撐高幹庇孫枝

登韓侯嶺

山旋百折青無梯攀登蹠躩勞馬蹏碎石犖确如布棋
屏障稠曲森矛鉞轅駒局促遵古轍鞭聲應山驚霹靂
欲上不上爭喘息毛鬣如氈汗凝漬下有清溪百尺不
見底上有石梁一線延鶴脊吁嗟乎山盤盤車當關八
荒俯矚生長歎世情好艱險直道良獨難

過韓侯嶺感作

關門當落日峻嶺鬱松楸古道同今轍新詩弔故侯酬
恩懷一飯高塚尙千秋帝業今安在長陵白露秋

霍州題壁

山泉鳴暗澗蒲藻綠交加行客閒題壁村人學戴花炊
煙生野店輪鐵碾飛沙笑我勞仍逸微吟過水涯

答季碩五女豫章行

久別思萬端感深腸百結時序易變遷山川感契闊山
川渺以緜日月恆經天憂思如日月晝夜空往旋

女蘿何鬱鬱迢遞戀春暉
春暉日以邁愁思當告誰
骨肉天一隅譬如懷苦饑
懽會當及時景光弗我羈

林仲蓉沒後忽忽經年賦小詩以攄餘痛

夕陰旋朝晞落木經春發
感此悼妍姿竟委芳塵滅
篋笥有餘繡翰墨空陳迹
嚴霜復九月仲蓉沒於去秋九月臨風淚

沾臆

殘夜

樽柶煨爐感昔年老懷
枵觸慣無眠瓦簷霜重風敲鐵
落落晨星欲曙天

夕扃戶牖當封函斗室煙濃篆蔚藍更鼓促殘紅燭炬
攤書獨與古人談

留別孟乙外孫輩

浮雲日翱翔悠悠安所適歲暮促車塵宦轍留鴻跡同
爲骨肉親兩地苦相隔由絳赴猗此聚被別此情誰當喻眷戀中
懷結臨別哽無語忍淚強顏色我還猗氏城更念絳州

三年衰苦行邁撫景惜頽白努力愛春華良書如咫尺

由絳州往猗氏途次題壁

極目曠千里颼風捲白茅野寒羊聚澤樹密鵲聯巢人

語喧前渡墟煙出近郊暮年苦行役難解子雲嘲

丙戌元旦

萬家喧爆竹曙色啟鴻濛柏酒浮梁碧桃符篆采紅雪
微聊寫意春好喜占豐望遠臨佳節天涯骨肉同

春曉

星芒斂將旦曙色冷晴空疊障翳天碧明霞襯日紅柳
絲牽客緒花信遞春風時序隨流轉淹留感雪鴻

望雨

久旱望雲霓登臨矚遼曠浮雲自卷舒羅列見青障落

日浴明霞繁星勢若抗甘雨何從來仰天益惆悵

郇陽官舍卽事

宦轍隨迎養郇陽負碧岑訟閒敦古處

小兒握篆以病來案牘漸減

減愜微吟望遠停雲意占年課雨心楹書留舊澤析荷

是官箴

傳舍愁經雨雨來翻百憂繞牀支屋漏倚枕數更籌漸
入書幃潤頻煩畫幃收藥闌增數本花事費綢繆

天涯多骨肉未免思盤紆春入關河遠書來歲月徂加
餐誇老健弄筆笑情迂頗費閒縑楮朝朝償畫逋

晴光明戶牖新翠茁山田雨破連宵夢春留禁火天扶
花看蟻鬪飼葉驗蠶眠老至心情異偷閒聊自便

雨後

蔚藍天色映晴虹漸覺新涼入座中嫩綠娟娟叢竹外
野茶蘼作亞枝紅

溼雲滃樹未全開細草抽心滿砌隈燕子晝眠簾幕靜
槐花如雨點蒼苔

涼夜

夜分不成寐出戶步幽敞秋漢涼欲波下弦月初上微

露沾衣襟徘徊自清賞蟲語如有情和答遞餘響

卽事口占

雨餘纖草鬱青葱貼地閒花別樣紅小立槐陰看蟻鬪
卻將勝負問東風

欺人霜雪鬢生華珍重桑榆莫怨嗟自笑老身閒不慣
雨餘扶杖課栽花

留別猗署四首

贈竹

交柯曳玉籜龍寒春雨移來竹數竿自抱虛心甘耐冷

且留清節待人看

留菜

二分霜雪一分沙
縐葉重重裹玉芽
傳語烹炙奴休摘
盡好傳清白在天涯

撿書

得失無關意自如
暮年情況惜三餘
官齋長物吾何有
一束吟毫一擔書

題壁

雪泥偶寄總因緣
老病馳驅歲屢遷
去訪絳人詢甲子

冷山仙會詩卷八
太行深處當林泉

雪中口占

同雲布四陲地氣氤氳上乾坤頓闌寂山川白泱泱紛
紛六花出籟靜塵襟爽空明結暮寒虛室益幽敞對茲
念故廬梅嶼廢清賞何日挂歸帆北風吹五兩

冒雪赴絳縣

三日汾濱雪山川同浩然征途猶逐逐心境自涓涓歸
隱定何日先春知有年誰憐歲云暮初度萬峯顛季冬
廿五
日道出水頭適予生辰
行役未已幾忘之矣

赴濟源途次臯落鎮

青山盤盤高插天，
筮輿曲附如蟻旋。
亂石羊蹲復虎踞，
瀑流千尺懸飛泉。
暮年陟險不辭遠，
天涯骨肉情纏綿。
春風居然在空谷，
野花夾路生紅嫣。
眼前景物足幽賞，
令我怡意忘攀緣。
夕陽欲墮僕夫瘁，
野店隱約前山顛。
袁子庚甥莊芷卿，
甥女昔在江右數載相。
相依別後每縈懷，
想丁亥春煦兒自猗氏移絳縣。
子庚仕於汴，
適宰濟源相去三百餘里。
遣使相迓，遂令岷兒侍往，
以慰廿年離悃。久別重逢，
悲喜交集。

爲賦二詩

憶昔遠別離愁無相見期子滯漳水濱我歸蜀山陁漳
水何渺緜蜀山多崦崎分飛邁時亂存亡安可知哀猿
峽中嘯杜鵑江上悲事畜百憂集積痍傷心脾念子慰
別語刮目待孤兒孤兒方總角羸瘠如懸絲熒熒廿餘
載淒苦難爲辭故舊音信斷骨肉天一涯結思感夢魂
倘悅親容儀

情極緣乃生宦轍結比鄰之子敦宿誼素書卅六鱗命
駕趣首塗逶迤越山垠不辭太行險快此宿願申握手

展契闊悲歡語雜陳相對忽如夢熟視乃信真丰度猶
疇昔鬚鬢見苦辛兒女半隨肩濯秀孫枝新依依話昔
年敬愛情彌親嗟余迫桑榆子亦非芳春嘉會豈有常
寸陰良可珍

橫嶺關途次寄懷袁子庚莊芷卿兩甥

萍蹤偶然合雲水易分張別峯還清濟歸輿已太行碧
霄迴雁字紅葉趁螺綱回首望城邑秋山滿夕陽

途次卽景

鳥道回環繞翠微冥濛曉霧溼征衣松陰小憩日初午

一徑野花黃蝶飛

董澤寒蘆閒白茅登山臨水晚秋交數行征雁西風裏
新月迎人出遠郊

和吳春海太守延慶寺賞牡丹原韻

霞染頰紅霧染黃甘番花信着天香玉堂人倚春風筆
管領羣芳謁梵王

檀雲祥捧日華開禪院風清絕點埃莫訝精藍花倍好
苾芻分得妙香來

苦寒行望禧兒不至

戊子冬禧兒以知縣人
都引見紆道來晉

羣山積雪凝清光八荒同雲冬閉藏
羲御紆回燭龍匿冰花瑩樹寒生芒
兒童好動齊束手老嫗尙僂行且僵
披裘圍爐坐生粟俛懷遊子心傍徨
報我歸鞍趁佳節計程今日當登堂
胡爲淹留久不至倚閭勞我時相望
憂心殷殷不我釋還疑雪阻川無梁
不然崔魏困改轍高岡我馬愁元黃
伊余筮卜並云吉檠花纍纍呈其祥
呼奴埽榻治杯酒願滌百折相思腸
大行沍寒日栗烈四陲暮色來蒼蒼

讀季碩五女桐鳳集

生小恆依隨遠別鬱愁思淵淵秉靈性婉轉託微辭展
卷動悲惻掩卷復嘆噫淑慎自勗勵勿爲俗習移骨月
久睽隔良晤安可期在予嗟頽暮念子多參差南望默
無語零淚泣如絲

寄四兒

遊子遠行邁淹滯江之湄欲濟無舟楫進退願多違少
小遭孤露疏縱缺規儀撫膺當內省修身防自欺窮達
信有命百卉各順時勿羨早綴秀當念歲寒枝努力效
明德慰我遲暮思

聞岷兒捷南宮賦以勉之

杏林春暖花滿枝泥金捷報驄馬馳
嫠居有子讀父書

慰我頻年空倚闥自笑林椿一株老
家聲繼起苦不早

昔年送子入長安壬午送岷兒入都鄉試
於今走馬長安道歌咏

霓裳

金殿閒宮袍燦爛觀

天顏殿試謝恩後各賜表裏一端
携來

御賜紅綾餅朝考殿試均有糕即古紅綾餅也
賜自謂名慚玉筍班昨

夜寒燈新着花可憐白頭望眼奢
客秋曾獻長楊賦倖

步蟾宮踏桂華

岷兒戊子舉於京兆

禮闈蕊榜臨春風今年屬望

去年同誰知古劍得所用亦能吐氣作長虹回首孤燈

課茅屋鳴機相和寒更促書卷愁心二十年丹青易米

三千幅

昔貧甚以畫資作生計

熒熒茹苦誰與倫卜宅三遷憶孟

隣未得成名報

君父何時效用思經綸成童能賦謝池草初入泮宮採

芹藻

岷兒十人泮

秋風文字屢見顛探花每羨青年好古今

遇合自有時志士不憂長數奇莫言貧賤常如此覆簣

成山須臾耳莫言富貴有可期窮經皓首終於斯男兒

立身當自強禮門義路任周行正直不爲威武屈謙光
應戒接輿狂努力崇德保性真玉汝成材多苦辛論交
莫近游俠子處世常欽老成人以茲勉勗思悠悠感今
悲昔不自由人生忠孝爲根本我今於汝無他求京華
甲第望紛紛得失升沉何足云正逢

天子聖明日猶當匡濟立功勛

太原郡署賞菊留別秀娟女弟子

飼鶴亭高放眼寬參差叢菊護迴欄金風香折黃金縷

玉露涼擎白玉盤

皆菊名

傲骨獨標留勁節素心半吐識

輕寒清樽雅集今何夕明日征塵路渺漫

曉行

滅燭出茅店平原眼界寬明駝聯水次候雁警雲端殘
月隱叢薄清霜增曉寒遠郊連古塞客路思漫漫

返定途次

客中仍作客歸騎引秋風山矗千盤阻車迴一徑通荻
花和露白杞實飽霜紅子舍在何處邊城烟靄中

六十自壽賦以示兒輩

庚寅庚寅花甲周長庚有靈爲我愁平生志願未能遂

落落冥冥霜滿頭春冰凜冽燭輝耀冷吟主人復暗笑
盛衰哀樂本循環遇合古今不同調嗟余半世多坎軻
酸風苦雨歲消磨三十年前一回首至今擊筑興悲謔
人生勞碌如轉軸我今得福常自足名利紛紜那得休
蕙帶荷裳美初服風光荏苒六十春不援富貴不羞貧
賦詩每慊吟情舊看花恒覺歲華新今日稱觴祝我壽
兒輩趨鏘進春酒何須乞年天與齡種德自然福祿厚
世人立身苦不早我心仁恕以爲寶倘有靈丹能駐顏
長與天地同壽考

成都

顧印愚總校

男

光煦敬刊

顧印愚 印伯

品詩記室論風始有婦人焉推繼軌龍漢西京二百年

團扇一篇配蘇李

語見鍾嶸詩品

後來作述與斯文唐宋而還

流別紛誰云閨秀齒方外例以自創非前聞斯工占夢

議酒食曷謂婦言居四德詩人開卷見周南苕芼葛覃

誰組織温温恭人今女宗立德不朽兼容工言爲心聲

寄豪素格律復擅前賢風左家嬌女蘭陵里婉婉鹿車

相夫子西江符節等春陵臣竭股肱繼之死山頭化石

望生還貌是諸孤哭玉棺碧血竟從江水逝白頭誰問

寢門安瞿唐西上穿巴峽素旒銘旌舟一葉敝廬辛苦
就龍潭宰樹蒼涼封馬鬣賣珠易米補茅檐箴燧鷄鳴
子職兼畫水筆偕耕鑄刈課書膏並紡燈添百花潭北
溪流泚幾載經營草堂啟市遠因知孟母鄰居人省識

鍾家禮緣江路熟俛青郊

用杜句

經社論文記訂交

戊寅己卯

之閒始與蜀章訂交時恭人女壻林
尚辰張祥齡皆同肄業尊經書院

驥子鳳雛俱秀發

數觀手藁出膽鈔十年回首登堂拜更託葭莩展情話

蜀章昏楊氏玫瑰昏
苒氏皆印家舊姻也

忝作陶家座上賓幸聆曹母閨中

誠聞道安輿度雁門必琴政美說晨昏豈知故國違干

里更喜新篇得重論晉祠碧玉邀行客駒轄繫維永朝
夕矜嚴唐韻檢烏絲商畧宋詞參白石柏舟高節照鄉
枌餘事猶堪敵左芬何止斷章傳雪絮會看雕版襲香
芸我承定本披吟再四十年中心事在荻苦篁悽晚蔗
甘知人可與論千載頗聞繪事重扶桑日本歸帆壓畫
航此卷流傳定爭購葩經足利並珍藏

日本使臣津田
靜索繪詩見集

中

平與蜀章同學復與同列賢書時居京師以太夫人詩
詞囑爲校讎並令爲之序平讀太夫人詩生平境遇如
披圖可指證之昔日聞見固有同辭也厯境變遷而題
館命字亦因之而易焉誠恐事實不詳無以見作者之
意平不能詩與蜀章交契有年深知太夫人事實敢以
聞見所及紀其顛末云光緒庚寅五月并研廖平敘

